



SIARAN MEDIA

Bayaran Bantuan Prihatin Nasional (BPN) 2.0 Berjumlah RM7.0 Bilion Secara Berperingkat Mulai 26 Oktober 2020

SIARAN MEDIA | 16 OKTOBER 2020



Pihak Kerajaan peka dengan kesukaran yang dialami oleh Rakyat pada saat pandemik COVID-19 ini. Sehubungan itu, Bantuan Prihatin Nasional (BPN) 2.0 merupakan sebahagian daripada Kerangka Inisiatif Tambahan, Pakej Rangsangan Ekonomi Prihatin Rakyat (KITA PRIHATIN) bernilai RM10 bilion yang telah diumumkan oleh YAB Perdana Menteri pada 23 September 2020 lalu.

Inisiatif BPN 2.0 tersebut yang keseluruhannya berjumlah RM7.0 bilion akan disalurkan melalui dua fasa pembayaran, iaitu pada bulan Oktober 2020 dan Januari 2021. Bagi mereka yang belum pernah menerima BPN sebelum ini, permohonan baharu boleh dibuat mulai 15 Oktober 2020.

1) PEMBAYARAN FASA PERTAMA BPN 2.0

Bayaran fasa pertama BPN 2.0 akan disalurkan kepada 10.6 juta penerima BPN sedia ada daripada kategori isi rumah dan individu bujang secara berperingkat **mulai 26 Oktober 2020** (Isnin). Pecahan bayaran fasa pertama BPN 2.0 berjumlah RM4.8 bilion adalah seperti berikut:

Kategori & Pendapatan Bulanan	B40 Isi Rumah RM4,000 ke bawah	B40 Bujang RM2,000 ke bawah	M40 Isi Rumah RM4,001 hingga RM8,000	M40 Bujang RM2,001 hingga RM4,000	Jumlah Keseluruhan Fasa 1
Jumlah Pembayaran	RM2.56 bilion	RM1.33 bilion	RM0.56 bilion	RM0.35 bilion	RM4.8 bilion
Jumlah Penerima	3.7 juta	3.8 juta	1.4 juta	1.7 juta	10.6 juta

2) PERMOHONAN BAHARU BPN 2.0

Permohonan baru BPN 2.0 dibuka mulai 15 Oktober sehingga 15 November 2020, bagi membantu kumpulan mereka yang belum pernah menerima BPN sebelum ini, termasuk golongan mudah terjejas baharu (newly vulnerable groups) yang layak memohon akibat perubahan terhadap status pendapatan mereka ekoran impak penularan COVID-19.

Tempoh permohonan baharu BPN 2.0 dibuka dari 15 Oktober 2020 sehingga 15 November 2020. Bagi memastikan BPN sampai kepada mereka yang benar-benar layak, proses semakan atas permohonan baharu akan dibuat dalam kadar segera. Bagi mereka yang diluluskan, bayaran akan dibuat secara sekaligus pada bulan Januari 2021.

Pemohon baharu BPN 2.0 boleh merujuk kepada Soalan Lazim (FAQ) yang telah dimuat naik di portal rasmi BPN iaitu <https://bpn.hasil.gov.my/> bagi mendapatkan maklumat lanjut atau untuk membuat permohonan.

Saya ingin merakamkan penghargaan kepada semua pihak yang terlibat, terutamanya Lembaga Hasil Dalam Negeri Malaysia (LHDNM) dan Bank Simpanan Nasional (BSN) dalam membolehkan penyampaian BPN 2.0 ini dilaksanakan dengan lancar untuk kemudahan rakyat.

Saya juga ingin menasihati rakyat agar berhati-hati dengan scammers yang semakin berani mengambil peluang menipu orang awam yang memerlukan bantuan BPN 2.0 ini. Penerima disarankan untuk merujuk kepada sumber-sumber rasmi dan tidak memberikan maklumat peribadi kepada mana-mana pihak yang tidak dikenali.

YB Tengku Dato’ Sri Zafrul Tengku Abdul Aziz
Menteri Kewangan
16 Oktober 2020

Lampiran

BPN 2.0 akan diberikan kepada penerima BPN sedia ada yang layak mengikut jadual berikut:

Kategori & Pendapatan Bulanan	B40		M40	
	Isi Rumah RM4,000 ke bawah	Bujang RM2,000 ke bawah	Isi Rumah RM4,001 hingga RM8,000	Bujang RM2,001 hingga RM4,000
Jumlah Bantuan BPN 2.0	RM1,000	RM500	RM600	RM300
Fasa Pembayaran	Okt. 2020 : RM700 Jan. 2021 : RM300	Okt. 2020 : RM350 Jan. 2021 : RM150	Okt. 2020 : RM400 Jan. 2021 : RM200	Okt. 2020 : RM200 Jan. 2021 : RM100

Tempoh Pembayaran	Secara Berperingkat Mulai 26 Oktober 2020
Kaedah Pembayaran	Bayaran akan dibuat secara terus ke akaun bank berdaftar di bawah pangkalan data BPN

Bagi penerima BPN yang tidak mempunyai akaun bank, pembayaran akan dibuat secara tunai di cawangan Bank Simpanan Nasional (BSN) mulai 26 Oktober 2020 sehingga 31 Disember 2020. Penerima BPN di kawasan pedalaman Sabah dan Sarawak yang mempunyai akaun bank akan turut menerima pembayaran ini pada tempoh yang sama seperti di Semenanjung Malaysia, manakala penerima pedalaman Sabah dan Sarawak yang tiada akaun bank, BPN 2.0 akan dibayar sekaligus bermula bulan Januari 2021 dengan bayaran tunai dibuat di lokasi-lokasi yang bakal diumumkan kelak.

 [Siaran Media](#)

 [Koleksi Ucapan](#)

 [Petikan Akhbar](#)

 [Foto](#)

 [Video](#)

 [Pengumuman](#)

POPULAR TAGS

BERNAMA

HARGA MINYAK

PRICE OF PETROLEUM

TENGGU ZAFRUL

BANTUAN PRIHATIN NASIONAL

KWSP

I-SINAR

SINAR HARIAN

JELAJAH BELANJAWAN 2021

PRIHATIN MOF

BERITA HARIAN

THE STAR